



ზოგადსაგანმანათლებლო
დანესაბუღებების ავტორიზაციის საბჭო

07/02/2025



MES 4 25 0000122160

გადაწყვეტილება

**„სსიპ -გიორგი მთაწმინდელის სახელობის ბორჯომის მუნიციპალიტეტის სოფელ ტაძრისის
საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების
ავტორიზაციის საბჭოს 2023 წლის 28 ნოემბრის N 1611764 ოქმის მეშვიდე
ნაწილში ცვლილების შეტანის შესახებ**

ზოგადსაგანმანათლებლო დაწესებულებების ავტორიზაციის საბჭოს სხდომაზე გამოვლენილი გარემოებების შესწავლის, შეფასებისა და ურთიერთშეჯერების შედეგად და საქართველოს ზოგადი ადმინისტრაციული კოდექსის 63-ე მუხლის პირველი პუნქტის საფუძველზე,

საბჭომ გადაწყვიტა:

1. შევიდეს ცვლილება „სსიპ - გიორგი მთაწმინდელის სახელობის ბორჯომის მუნიციპალიტეტის სოფელ ტაძრისის საჯარო სკოლის ავტორიზაციის შესახებ“ ზოგადსაგანმანათლებლო დაწესებულებების ავტორიზაციის საბჭოს 2023 წლის 28 ნოემბრის N 1611764 ოქმის მეშვიდე ნაწილში და ჩამოყალიბდეს შემდეგნაირად:

**“7.სსიპ -გიორგი მთაწმინდელის სახელობის ბორჯომის მუნიციპალიტეტის სოფელ ტაძრისის
საჯარო სკოლის ავტორიზაციის საკითხის განხილვა**

საბჭოს თავმჯდომარემ დაწესებულებების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ, დავით მაღაზონიამ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას და დაწესებულების მიერ წარმოდგენილ არგუმენტირებულ პოზიციას დასკვნის პროექტებთან მიმართებით. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს იცნობდა თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ საბჭოს მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

ექსპერტთა ჯგუფის დასკვნა საბჭოს სხდომაზე წარადგინა ზოგადი განათლების ხარისხის უზრუნველყოფის ექსპერტმა, ეთერ მეტრეველმა. ექსპერტმა განაცხადა, რომ სსიპ - გიორგი მთაწმინდელის სახელობის ბორჯომის მუნიციპალიტეტის სოფელ ტაძრისის საჯარო სკოლაში ავტორიზაციის ვიზიტი განხორციელდა 2023 წლის 27 და 28 სექტემბერს. სკოლა მდებარეობდა ბორჯომის მუნიციპალიტეტში, სოფელი ტაძრისში. სკოლა ახორციელებდა ზოგადი განათლების დაწყებითი, საბაზო და საშუალო საფეხურის ზოგადსაგანმანათლებლო პროგრამებს, ქართულ ენაზე. ზოგადსაგანმანათლებლო დაწესებულების სტატუსის მაძიებლის თვითშეფასების ფორმის თანახმად, დაწესებულების მიერ მოთხოვნილი მოსწავლეთა ადგილების ზღვრული რაოდენობა შეადგენდა 400 მოსწავლეს, აქვე, ექსპერტმა განმარტა, რომ აღნიშნულ მოთხოვნას ეთანხმებოდა ექსპერტთა ჯგუფი და დაწესებულებას შეეძლო შესაბამისი საგანმანათლებლო მომსახურება გაეწია 400 მოსწავლისთვის.

ეთერ მეტრეველის განცხადებით, ექსპერტთა ჯგუფმა შეისწავლა სკოლის მიერ წარმოდგენილი დოკუმენტაცია, განახორციელა დაწესებულებაში ვიზიტი და ჩაატარა ინტერვიუები სკოლის ადმინისტრაციასთან და მასწავლებლებთან. დაწესებულების შეფასების პროცესში გამოიკვეთა ავტორიზაციის სტანდარტებთან შეუსაბამობები, თუმცა ექსპერტმა განმარტა, რომ დაწესებულებამ არგუმენტირებული პოზიციის სახით სტანდარტებთან შესაბამისობის უზრუნველყოფის გეგმის წარმოდგენის შემდეგ შეიცვალა. კერძოდ, პირველი სტანდარტი შეფასდა როგორც „შეესაბამება სტანდარტის მოთხოვნებს“, მესამე სტანდარტი შეფასდა როგორც „ნაწილობრივ შეესაბამება სტანდარტის მოთხოვნებს“, კომპონენტები 3.4, 3.5 და 3.6 კი შეფასებული იყო „მეტწილი“ შესაბამისობით. რაც შეეხებოდა მეორე (სამივე კურიკულუმთან მიმართებით) და მეოთხე სტანდარტს, ექსპერტთა ჯგუფის მიერ შეფასდა, როგორც „შეესაბამება სტანდარტის მოთხოვნებს“.

ექსპერტმა აღნიშნა, რომ თითოეულ ინდიკატორთან დაკავშირებით, რომელიც შეფასდა „მეტწილი“ შესაბამისობით, ექსპერტთა ჯგუფის მიერ დაწესებულებისათვის გაცემული იყო რეკომენდაციები. ხოლო, აღნიშნული რეკომენდაციები აღწერილი იყო ზოგადსაგანმანათლებლო დაწესებულებების ავტორიზაციის ექსპერტთა ჯგუფის დასკვნაში.

ექსპერტმა ისაუბრა სკოლის საუკეთესო პრაქტიკაზე და აღნიშნა რომ კვალიფიციური კადრების მოზიდვის მიზნით, სკოლაში დასაქმებული იყო პროგრამა „ასწავლე საქართველოსთვის“ ფარგლებში ბიოლოგიის პედაგოგი.

სკოლას ჰქონდა 6 შესასვლელი, მათ შორის იყო სპორტული და სააქტო დარბაზის შესასვლელი და ყველა მათგანზე მოწყობილი იყო პანდუსი. ექსპერტმა პრეზენტაციის ფარგლებში გააზიარა სკოლის ინფრასტრუქტურის ფოტომასალა და აღნიშნა რომ სკოლაში იყო სპორტული დარბაზი, ხელოვნურ საფარიანი გარე სპორტული მოედანი, ბიბლიოთეკა, სადაც განთავსებული იყო სამკითხველო სივრცე. პროექტებში მონაწილეობის შედეგად და შემოწირულობებით განახლებული იყო წიგნადი ფონდი. სკოლაში ასევე იყო შიდა და გარე თავისუფალი რეკრეაციულ სივრცეები, საგამოფენო სივრცე, სადაც განთავსებული იყო მოსწავლეთა ნამუშევრები. სკოლის პირველ სართულზე გამოფენილი იყო კორნელი კეკელიძის სახელობის საქართველოს ხელნაწერთა ეროვნული ცენტრის მიერ საჩუქრად გადაცემული ილუსტრაციები. ექსპერტის განცხადებით სკოლის კედლები მეორე სართულზე იყო დაზიანებული წვიმისგან და საჭიროებდა რეაბილიტაციას. ასევე შენობაში დამონტაჟებული იყო ლიფტის შახტი, მაგრამ არ იყო ლიფტის კაბინა.

საბჭოს თავმჯდომარემ, დავით მაღაზონიამ ექსპერტს სთხოვა დაეზუსტებინა როდის ჩაუტარდა სკოლას რეაბილიტაცია. ექსპერტმა, ეთერ მეტრეველმა აღნიშნა რომ სკოლა 2010 წელს აშენდა და მას შემდეგ მოხდა მხოლოდ სახურავის შეკეთება. საბჭოს თავმჯდომარემ დავით მაღაზონიამ კითხვით მიმართა სკოლის წარმომადგენელს და სთხოვა დაეზუსტებინა სკოლის მშენებლობისას გათვალისწინებული იყო თუ არა ლიფტის არსებობა და ამჟამად რატომ არ იყო სკოლაში აღნიშნული. სკოლის დირექტორმა, ზაზა გოგოლაძემ აღნიშნა, რომ მას არ ჰქონდა ამ საკითხებთან დაკავშირებით ინფორმაცია, ვინაიდან სკოლას ხელმძღვანელობდა 2011 წლიდან, თუმცა სკოლაში ლიფტი არასდროს არ ყოფილა, რაც შეეხებოდა შახტებს, დალუქული იყო და არ წარმოადგენდა საფრთხეს.

ბორჯომის საგანმანათლებლო რესურსცენტრის უფროსმა იზოლდა ლომთაძემ, ასევე აღნიშნა, რომ სკოლას მშენებლობიდან ძალიან მალე გაუჩნდა პრობლემები, კერძოდ არ ჰქონდა კლიმატის შესაბამისი გადახურვა და ცენტრალური გათბობა, რაც ინფრასტრუქტურის სააგენტოსთან ერთად ბოლო სამი წლის განმავლობაში ეტაპობრივად გვარდებოდა.

საბჭოს წევრმა, შალვა მეკრავიშვილმა აღნიშნა, რომ ექსპერტთა მიერ პირველ, მეორე და მესამე სტანდარტთან დაკავშირებით გაცემული იყო მნიშვნელოვანი რჩევები. საბჭოს წევრმა კითხვით მიმართა სკოლას და სთხოვა დაეზუსტებინა აპირებდა თუ არა აღნიშნული რჩევების გათვალისწინებას, მიუხედავად იმისა რომ არ ატარებდა სავალდებულო ხასიათს. სკოლის დირექტორმა, ზაზა გოგოლაძემ განაცხადა, რომ სკოლა აპირებდა ყველა რჩევისა და რეკომენდაციის გათვალისწინებას, კერძოდ ყველა საჭირო დოკუმენტაციის მოპოვებას და კედლების რესტავრაციას.

საბჭოს წევრმა, მორის დანდურიშვილმა, სკოლას ურჩია, რომ გადაეხედა და დაერედაქტირებინა მოსწავლეთა ჩარიცხვის წესი და აღნიშნა, რომ სკოლის მიერ წარმოდგენილი დოკუმენტები ძირითად იყო Word-ის ფაილის სახით და სთხოვა ექსპერტს დაეზუსტებინა იყო თუ არა აღნიშნული დოკუმენტები ბრძანებით დამტკიცებული. ექსპერტმა ეთერ მეტრეველმა დაადასტურა, რომ სკოლამ ექსპერტთა ჯგუფს გაუზიარა ბრძანებით დამტკიცებული დოკუმენტაცია.

საბჭოს თავმჯდომარემ მიმართა საბჭოს წევრებს, ხომ არ ჰქონდათ შეკითხვები სკოლის წარმომადგენლებთან ან ექსპერტებთან.

საბჭოს წევრებს შეკითხვები არ ჰქონდათ.

საბჭოს თავმჯდომარემ კენჭისყრაზე დააყენა სსიპ - გიორგი მთაწმინდელის სახელობის ბორჯომის მუნიციპალიტეტის სოფელ ტაძრისის საჯარო სკოლისავტორიზაციისა და მოსწავლეთა ადგილების ზღვრული რაოდენობის 400-ით განსაზღვრის საკითხი.

კენჭისყრის შედეგები:

მომხრე - 9

წინააღმდეგი - 0

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-2 პუნქტის „ა“ ქვეპუნქტის, მე-12 მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ მე-20 მუხლის პირველი პუნქტის „ა“ ქვეპუნქტის, 21-ე მუხლის პირველი, მე-2, და მე-3 პუნქტებისა და 27-ე მუხლის მე-4 პუნქტის

შესაბამისად, სსიპ - გიორგი მთაწმინდელის სახელობის ბორჯომის მუნიციპალიტეტის სოფელ ტაძრისის საჯარო სკოლას(ს/კ: 226157324) 6 წლის ვადით მიენიჭოს

ზოგადსაგანმანათლებლო დაწესებულების სტატუსი და მოსწავლეთა ადგილების ზღვრული რაოდენობა განესაზღვროს 400-ით. დაწესებულებას მიენიჭოს უფლებამოსილება განახორციელოს შემდეგი ზოგადსაგანმანათლებლო პროგრამები:

N	ზოგადსაგანმანათლებლო პროგრამის სახელწოდება	ზოგადსაგანმანათლებლო პროგრამის საფეხური	ზოგადსაგანმანათლებლო პროგრამის განხორციელების ენა	ზოგადსაგანმანათლებლო პროგრამის განხორციელების ადგილი (მუნიციპალიტეტის, ქალაქის, დაბის/სოფლის და ქუჩის მითითებით)
1	ზოგადი განათლების დაწყებითი საფეხურის ზოგადსაგანმანათლებლო პროგრამა	დაწყებითი	ქართული	ბორჯომის მუნიციპალიტეტი, სოფელი ტაძრისი
2	ზოგადი განათლების საბაზო საფეხურის ზოგადსაგანმანათლებლო პროგრამა	საბაზო	ქართული	ბორჯომის მუნიციპალიტეტი, სოფელი ტაძრისი
3	ზოგადი განათლების საშუალო საფეხურის ზოგადსაგანმანათლებლო პროგრამა	საშუალო	ქართული	ბორჯომის მუნიციპალიტეტი, სოფელი ტაძრისი

საბჭომ შუამდგომლობით მიმართა ცენტრს დაწესებულებაში მონიტორინგის განხორციელებასთან დაკავშირებით:

მონიტორინგის დაწყების პერიოდი: 2025 წლის ნოემბრიდან;

მონიტორინგის განხორციელების ფორმა: ექსპერტთა ჯგუფის მიერ დოკუმენტაციის შესწავლა;

მონიტორინგის ფარგლები: მე-2 (ზოგადი განათლების დაწყებით, საბაზო და საშუალო საფეხურის ზოგადსაგანმანათლებლო პროგრამები) სტანდარტი

საბჭომ 3.4 და 3.5 კომპონენტის შეფასების გათვალისწინებით, ზოგადსაგანმანათლებლო დაწესებულებას განუსაზღვრა რეკომენდაციები და რეკომენდაციების შესრულების პროგრესის შესახებ ცენტრის ინფორმირების ვალდებულება 2025 წლის ნოემბრამდე, კერძოდ, შენობა-ნაგებობების სახანძრო უსაფრთხოების მოთხოვნებთან შესაბამისობისა და შენობა-ნაგებობის მდგრადობის შესახებ დასკვნებისა და ინკლუზიური გარემოს დამადასტურებელი დოკუმენტაციის წარმოდგენა.”

2. ზოგადსაგანმანათლებლო დაწესებულებების ავტორიზაციის საბჭოს 2025 წლის 06 თებერვლის N117914 სხდომის ოქმის მეხუთე ნაწილი ცნობილ იქნას ამ გადაწყვეტილების განუყოფელ ნაწილად.

3. ზოგადსაგანმანათლებლო დაწესებულებების ავტორიზაციის საბჭოს გადაწყვეტილების გასაჩივრება შესაძლებელია კანონმდებლობით დადგენილი წესით და ვადაში, სააპელაციო

საჩივრის სააპელაციო საბჭოში წარდგენის გზით (შემდეგ მისამართზე: ქ. თბილისი, მ. ალექსიძის ქ. მეორე შესახვევი №2) ან ქ. თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით (შემდეგ მისამართზე: დავით აღმაშენებლის ხეივანი, N64).

სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს მდივანი
ჯინჭარაძე მანანა



სსიპ-განათლების ხარისხის განვითარების ეროვნული
ცენტრი
ზოგადსაგანმანათლებლო დაწესებულებების
ავტორიზაციის საბჭო
საბჭოს თავმჯდომარე
მალაზონია დავით

